



Հարգելի գործընկերներ՝

Տեղեկացնում ենք Ձեզ, որ Հայաստանի Հանրապետության ՄԻԱՎ/ՉԻԱՀ-ի, տուբերկուլոզի և մալարիայի դեմ ուղղված միջոցառումները համակարգող հանձնաժողովը (այսուհետ՝ [ՄՀՀ](#)), որը հիմնադրվել է ՄԻԱՎ/ՉԻԱՀ-ի կանխարգելման հանրապետական միջգերատեսչական խորհրդի 2002 թվականի ապրիլի 26-ի նիստի որոշմամբ՝ [ՉԻԱՀ-ի, տուբերկուլոզի և մալարիայի դեմ պայքարի Գլոբալ հիմնադրամի /ԳՀ/](#) համար ՄԻԱՎ/ՉԻԱՀ-ի կանխարգելման ծրագրային առաջարկի հաստատման, ՄԻԱՎ/ՉԻԱՀ-ի կանխարգելման ընթացիկ գերակայող ռազմավարությունների որոշման, ԳՀ ֆինանսական միջոցների բաշխման ու շարունակական հսկողության իրականացման նպատակով, ավարտել է իր աշխատանքները, և շուտով կայանալու են նոր ընտրություններ:

Նման ՄՀՀ-ներ գործում են գրեթե բոլոր երկրներում, որտեղ ԳՀ-ն սկսել է իր աշխատանքները և տրամադրել է ֆինանսական աջակցություններ:

[Նախկին ՄՀՀ կազմում](#) ընդգրկված են եղել պետական, միջազգային և տեղական ՀԿ-ների, ինչպես նաև ՄԻԱՎ-ով և ՏԲ-ով ապրող համայնքների ներկայացուցիչներ և / կամ այդ անձանց շահերը ներկայացնող ՀԿ-ների ներկայացուցիչներ, սակայն բացակայել են SUS¹, Տրանս², ԹՆՕ³ և ՄԾԿ⁴ համայնքների ներկայացուցիչներ, ովքեր կպաշտպանեն տվյալ համայնքների շահերը և ձայնը կդարձնեն լսելի:

[«Նոր Սերունդ» Մարդասիրական ՀԿ-ն](#), զբաղվելով իրավապաշտպան և առողջապահական գործունեությամբ, խորհրդակցելով [«Տղամարդկանց առողջության Եվրասիական կոալիցիայ»-ի /ECOM/](#) հետ, մշակում է ծրագիր, որի շրջանակներում նախատեսվում է՝

¹ Տղամարդկանց հետ սեռական հարաբերություն ունեցող տղամարդիկ

² Տրանս մարդիկ

³ Թմրամիջոց ներարկային օգտագործողներ

⁴ Սեռական ծառայություն մատուցել կանայք



- Մշակել փաստաթղթային առաջարկ ՄՀՀ կազմում թիրախային խմբերի ներգրավման համար,
- Կազմակերպել ՄՀՀ կազմում թիրախային Խմբերի ներկայացուցիչների ընտրությունների թափանցիկ և հասանելի անցկացման գործընթաց,
- Բարձրացնել ՄՀՀ կազմի պետական կառույցների ներկայացուցիչների տեղեկատվական մակարդակը խարանի, խտրականության, ինչպես նաև սեռականության ու գենդերային ինքնության վերաբերյալ:

Սույնով հրավիրում ենք բոլոր շահագրգիռ անձանց ծրագրային փաթեթի նախնական աշխատանքային քննարկմանը մասնակցելու համար:

Մասնակցելու համար խնդրում ենք գրանցվել [այստեղ](#):

Գրանցված մասնակիցներին կուղարկվի հանդիպման անցկացման վայրի և օրվա վերաբերյալ հավելյալ տեղեկատվություն:

Լավագույն ցանկություններով՝

Սերգեյ Գաբրիելյան